



大

禮
禮
禮
禮

隆慶二年八月

一



蒼崖先生金石例卷之七

鄱陽楊本編



○韓文公銘誌括例

宗族婣黨稱呼例

書上代例

其十一世祖

殿中侍御史李君誌

其上祖

朝散大夫越州刺史薛公誌

七世祖

柳子厚誌

六代祖

國子司業竇公誌

六世祖

江西觀察常公誌

四世祖

朝散大夫越州刺史薛公誌

書曾祖例

曾大父 崔評事誌裴少尹 曾祖

大王父 清河郡房公誌

書曾伯叔祖例

曾伯祖 柳子厚誌

書祖例

大父 崔評事誌裴少尹誌劉統軍誌 祖 房少尹誌孔左丞誌

王父 清河郡公誌

書父例

父 崔評事誌裴少尹誌劉統軍誌 皇考 正議大夫孔左丞誌

烈考 清邊郡王楊燕奇碑

書母例

父娶河南獨孤氏女 生二子君其季也 朝散大夫庫部鄭君誌

公之父娶鄉邑劉氏女 生公是為齊國太夫人 司徒韓侍中碑

父娶裴氏女 貞曜先生誌

父娶陳留大守薛江童女 殿中侍御史李君誌

母曰太原縣君虞部員外張府君誌

母夫人燉煌張氏河南少尹李公誌

公先妣渤海李氏贈渤海郡太君察太原王公誌 觀

書伯叔例

世父伯父也四門博士周况妻韓氏誌註儀禮喪服篇有族曾祖父者曾祖之兄弟也其子為族祖父其孫為族父其曾孫為族兄弟有從祖祖父者祖父之兄弟也其子為從祖父其孫為從祖父兄弟有世父叔父者父之兄弟也其子為從父兄弟今韓公於開封及虢州皆為從父弟矣於開封之女則公當為從叔父也

祖父告於叔父 襄陽郡王路公碑

書伯叔母例

世母伯母也

書兄弟姊妹例

母兄君母兄幾某官孔員外誌 公之母兄太常博士河南少尹杜君誌 母兄戢某官除

名人董府君誌 歸宗之姊育幼弟與歸宗之姊處士盧君誌

族弟因其族弟以來請銘 襄陽郡王路公碑

書姊妹夫例

姊婿銀青光祿王公誌 妹婿愈於處士妹婿也盧處士誌

書妻例

妻彭城人 河中府法曹張公誌

公之配 彭城劉氏夫人少尹李公誌

夫人 秘書少監獨孤府君誌

公娶清河崔氏女 故相權公誌

公娶其舅女

觀察太原王公誌

書子男例

能子

是貞能子矣襄陽盧丞誌

為後子

仁本為後子仕存觀察鄭公誌

書女婿例

長女婿

次女婿

觀察太原王公誌

季女婿

其季女婿韓愈為之誌盧府君夫人苗氏誌

書舅姑例

姑氏

毋抱之置之姑氏以去中大夫陝府司馬李公誌

尊章

協于尊章扶風郡夫人誌

書外家例

外高王父

外王父

自外高王父至外王父銀青光祿大夫王公誌

舅氏

少依舅氏讀書習騎射司徒韓侍中誌

夫人之兄

生公是為齊國太夫人夫人之兄曰司徒同上

舅第葬子厚于萬年之墓者舅第盧遵同上

職名例

有出身必書例

大父含液舉進士第官卒河南法曹參軍苗君誌

父某舉進士天寶之亂隱居而終崔司事誌

皇考諱郇以儒學進官至侍御史河南令張君誌

父宰臣用進士卒官平陽冀氏令贈潭州大都督中散

大夫少府監胡公神道碑

初干以進士為鄂州從事

道古進士司門郎刺利隨唐睦徵為少宗正兼御史

中丞以節度督黔中朝京師改命觀察鄂岳斬沔

安黃曹成王碑

公一兄三弟常群庠鞏常進士水部員外郎朗夔

江撫四州刺史群以處士徵自吏部郎中拜御史

中丞出帥黔容以卒庠三佐大府自奉先令為登

州刺史鞏亦進士以御史佐淄青府皆有材名子

司業實
公誌

有子曰真明經及第嗣其家業

江西觀察
常公誌

有子男七人初哲貞弘泰復泗 初進士及第 哲

文學俱善其餘幼也

觀察贈常侍
太原王公誌

內職必書例

公曾祖諱玄靜尚書膳部郎中歷資簡涇隰四州刺

史興元少尹
房公誌

太父某為刑部侍郎出刺徐相州

崔評
事誌

太父曠御史中丞京畿採訪使

河南少尹
裴君誌

大父利貞有名玄宗世為御史中丞舉彈無所避由

是出為陳留守領河南道採訪處置使

河南令
張君誌

書除授例

某年拜越州刺史

注或作元和十二年正月二十二
日方氏云前已云元和四年此不

當復出年號他銘亦無書
除授月日者刺史薛公誌

家世例

書三代例

曾大父知道仕至大理司直大父玄同為刑部侍郎

出刺徐相州父倚舉進士

崔評事誌

曾大父元簡大理正大父曠御史中丞京畿採訪使

父虬以有氣畧敢諫諍為諫議大夫引正大疑有

寵代宗朝屢辭官不肯拜卒贈工部尚書

河南少尹裴君

誌

公曾祖諱玄靜尚書膳部郎中歷資簡涇隰四州刺

史太尉之叔父也祖諱肱為號州司馬父諱巒都

水使者皆名能守家法

房少尹誌

後七世至行褒官至易州刺史於君為曾祖易州生

婺州金華令諱懷一卒葬洛陽壯山金華生君之

考諱平為太子家令葬金華墓東而尚書水部郎

劉復為之銘

集賢院校理石君誌

其夫王父融王父瑄仍父子為宰相融相天后事遠

曾不大傳瑄相玄宗肅宗屢艱難中與道進退亮贈

太尉流聲于茲父秉仕至秘書少監贈太子詹事

清河郡公
房公誌

曾大父諱承慶朔州刺史大父臣教好讀老子莊周

書為太原晉陽令再世官壯方樂其土倍遂著籍

太原之陽曲曰自我為此邑人可也何必彭城父

訟贈右散騎常侍

劉統軍誌

不書三代例

登封縣尉盧君誌

並不書三代

太學博士李君干誌

並不書三代

歷書世系例

公諱荆字某雍王繪之後王孫道明唐初以屬封淮

陽王又追王其祖父曰雍王長平王淮陽生景融

景融親益踈平王生務該務該生思一思一生炭

比四世官不過縣令州佐然益讀書篤行為士夫

夫家炭為蜀州晉原尉生公未晬以卒

陝府左司馬李公誌

書三代及其兄例

曾祖曰希莊撫州刺史贈大理卿祖曰元暉果州流

溪縣丞贈左散騎常侍父曰播尚書禮部侍郎

即命君後兄據據為尚書水部郎中贈給事中子國

助教河東

薛君誌

書三代不名而及其女兄與甥

以外戚故書

莊憲皇太后之弟今天子之舅太師之子太尉之孫

司徒之曾孫

銀青光祿大夫太原王公神道碑

不書曾祖而書六代祖及祖及父例

六代祖敬遠嘗封西河公大父同昌司馬比四代仍

襲爵名同昌諱胤生皇考諱叔向官至左拾遺漂

水令贈工部尚書尚書於大曆初名能為詩文子國

司業竇

公誌

不書曾祖而書祖書父例

祖曰旭袁州宜春尉父曰娒豪州定遠丞施先生誌

祖子與濮州濮陽令父同舒州望江令考功員外盧君誌

大父知古祁州司倉烈考文誨天寶中實為平虛衙

前兵馬使位至特進檢校太子賓客封弘農郡開

國伯世掌諸蕃互市恩信著明夷人慕之清邊郡王楊恭

碑奇

祖某某官贈某某官父某某官贈某某官朝散大夫贈司勳員外郎孔君

誌

大父利貞有名玄宗世為御史中丞舉彈無所避由

是出為陳留守領河南道採訪處置使數歲卒官

皇考諱郇以儒學進官至侍御史河南令張君誌

大父諱秀武后時以文材徵為麟臺正字父宰臣用

進士卒官平陽冀氏令贈潭州大都督中散大夫少府監胡

良公神道碑

不書曾祖祖而書六世祖及父例

六世祖孝寬仕周有功以公開號於鄭鄭公之子孫

世為大官唯公之父政卒雒縣丞贈虢州刺史江西

觀察使常公誌

不書曾祖祖而書七世祖及曾伯祖及父例

七世祖慶為拓跋魏侍中封濟陰公曾伯祖爽為唐

宰相與褚遂良韓瑗俱得罪武后死高宗朝皇考
諱鎮以事毋棄太常博士求為縣令江南其後以
不能媚權貴失御史權貴人死乃復拜侍御史號
為剛直所與游皆當世名人柳子厚誌
不書曾祖祖而止書其父例

公諱道古字某曹成王子其先王明以太宗子王曹
絕輒復封五世而至成王成王諱皋有功建中貞
元間以多才能能行賞誅為名至今追數當時內

外文武大臣成王必在其間

昭武校尉守左金吾衛將軍李公誌

常州刺史贈禮部侍郎憲公諱及之第二子憲公躬
孝踐行篤實而辨於文勸飭指誨以進後生名聲

岳延紹德惟克

秘書少監贈絳州刺史獨孤府君誌

處士諱於陵其先范陽人父貽為河南法曹參軍處士

盧君誌

不特書父而書大王父王父伯例

大王父玄曠歷御史屬三院止尚書郎生景肅守三

郡終傳涼王生政襄鄧等州防禦使鄂州採訪使

贈吏部尚書公尚書之弟某子

江南西道觀察使
太原王公神道碑

書上世并書其母例

其上祖懿為晉安西將軍實始居河東公之四世祖

嗣汾陰公諱德儒為隋襄城郡書佐以卒襄城有

子二人皆貴其後皆蕃以大而其季尤盛官至郟

州刺史郟州諱寶胤有子九人皆有名位其最季

諱謙為河南令以卒河南有子四人其長諱同卒

官湖州長史贈刑部尚書尚書娶吳郡陸景融女

有子五人皆有名蹟其達者四人公於倫次為中

子

朝散大夫越州
刺史薛公誌

書二母例

初司徒公娶河南元氏封潁川郡夫人贈許國夫人

許國堯少府始孩顧託以其姪為繼室是為陳國

夫人陳國無子愛君與少府如已生其堯也君與

少府葬之猶實生已親負土封其墓

贈絳州刺史
馬府君行狀

書三代并書其母例

曾祖匡時晉州霍邑令祖子尋彭州九隴丞父迪鄂

州唐年令娶河南獨孤氏女生二子君其季也朝散

大夫尚書庫部

即中鄭君誌

其上世有焉者當宇文時為車騎大將軍鄜城太守

卒葬河北謚曰忠公至孝權間五世矣孝權大父

諱孝先太子通事舍人父諱庭光贈綏州刺史綏

州之卒孝權蓋尚小母曰太原縣君卒既葬孝權

守墓樹松栢三年而後歸虞部員外郎張府君誌

書三代并書其母其舅例

曾祖弘泰簡州刺史祖乾秀伊闕令父燮宣州長史

贈絳州刺史母夫人燉煌張氏其舅叅有大名南河

少尹李

公誌

書父并其母舅不及上二代例

公之父曰海為人魁偉沈塞以武勇游世許汴之間

寡言自可不與人交衆推以為鉅人長者官至游

擊將軍贈太師娶鄉邑劉氏女生公是為齊國太

夫人夫人之兄曰司徒玄佐有功建中貞元之間

為宣武軍帥有汴宋毫穎四州之地兵士十萬人

許國公韓

弘神道碑

書十一世祖及父及母例

不及曾祖祖
至書葬方見

其十一世祖冲貴顯拓跋世父憚河南温縣尉娶陳

留太守薛江童女

殿中侍御史
李君誌

書父及母及兄弟而不及上世例

父庭珍娶裴氏女而選為崑山尉生先生及二季鄴

郢而卒

貞曜先
生誌

書婦女家世例

書三代例

夫人曾祖某縵州刺史祖某潞州別駕父某晉州錄

事參軍

息國夫
人誌

曾大父襲夔贈禮部尚書大父殆庶贈太子太師父

如蘭任至太子司諫郎汝州司馬

河南府法曹盧
府君夫人苗氏

誌

書祖書父及其舅其夫例

夫人姓盧氏范陽人亳州城父丞序之孫吉州刺史

撤之女嫁扶風馬氏為司徒侍中莊武公之冢婦

少府監西平郡王贈工部尚書之夫人 扶風郡夫人誌

書父及其夫其子例

楚國夫人姓翟氏故檢校御史大夫宋州刺史良佐

之女今司徒兼中書令許國公之妻前廊坊節度

使散騎常侍兼御史大夫公武之母 楚國夫人誌

書兄弟例

書兄及弟例

公之昆季五人載戡戢戡公於次為第二 正議大夫尚書左丞

孔公
殘誌

書妻例

書妻及曾祖祖不書妻之父例

公之配曰彭城劉氏夫人夫人先卒其葬以夫人祔

夫人曾祖曰子玄祖曰鍊皆有大名河南少尹李公誌

書妻及妻之祖父不書妻曾祖例

妻彭城人世有衣冠祖好順泗州刺史父泳卒蘄州

別駕河中府法曹張君誌

夫人天水權氏贈太子太保貞孝公皋之承孫故相

今太常德輿之女胤慶配良是似是宜秘書少監贈絳州刺

史獨孤府君誌

書妻及妻之父不及其曾祖祖例

夫人博陵崔氏少府監頊之女河南少尹裴君誌

夫人常山郡君張氏彭州刺史贈禮部侍郎蕤之女

生子男三人中散大夫河南尹杜君誌

妻范陽盧氏鄭滑節度使兼御史大夫群之女與君

合德親戚無退一言殿中侍御史李君誌

書妻及妻之父及曾伯父例

夫人博陵崔氏朝邑令友之之女其曾伯父玄暉有

功中宗時夫人高明遇子婦有節法進見侍側肅

如也中大夫陝府左

書妻及妻叔祖不書其祖父例

娶彭城劉氏女故相國晏之兄孫生男二人集賢院
校理石

君誌

不書妻祖父例

妻鄭氏也崔評
事誌

夫人河南胡氏號太原郡夫人工部尚書太原
郡公神道碑

君娶河南柳氏女河南令
張君誌

公娶其舅女有子七人觀察使贈常侍
太原王公誌

娶滎陽鄭氏女生男六人興元少尹
房公誌

妻曰太原王氏先生卒施先
生誌

夫人李姓隴西人君在配君子無違德君歿訓子女

得毋道其後君二十年年六十六而終考功員外
盧君誌

因葬書妻例

其妻清河張氏以其年十二月丙寅葬君於洛陽平

陰之原太原府叅
軍苗君誌

因祔葬書妻例

夫人滎陽鄭氏祔 銀青光祿大夫
平陽路公碑

奉先夫人天水趙氏祔 中散大夫少府
監胡公神道碑

楚國夫人翟氏祔 許國公韓
弘神道碑

書再娶例

夫人即隴西郡夫人李氏清夷郡太守祐之孫漁陽

郡長史獻之女柔嘉淑明先公而殂有男四人女

三人後夫人河南郡夫人雍氏某官之孫某官之

女有男一人女二人咸有至性純行 清邊郡王
楊燕奇碑

書三娶例

公三娶元配韋氏諱脩脩生子紘紘為進士學女貢

嫁崔氏夫人隋雍州牧鄔公叔裕五世孫父仕佺

蓬山令次配崔氏諱葑生綽紹綰女會嫁鄭氏季

昆夫人父昭嘗為京兆尹今夫人韋氏無子父光

憲光祿卿其葬用古今禮以元配韋氏夫人祔而

葬次配崔氏夫人於其域異墓 昭武校尉守左金
吾衛將軍李君誌

書婦德例

胤慶配良是似是宜

秘書少監贈絳州刺史獨孤府君誌

賢有法度

鳳翔隴州節度使李公誌

孝順祗脩群女效其所為

幽州節度判官贈給事中清河張君誌

與君合德親戚無退一言

殿中侍御史李君誌

有賢行侍君疾逾年不下堂食菜飲水藥物必自捧

將進輒先嘗方書本草恒置左右

贈絳州刺史馬府君行狀

書子女例

書子女不名例

有男八人女二人

殿中少監馬君誌

有子二人女二人

崔評事誌

有子六人女子一人

銀青光祿大夫太原郡王公神道碑

凡產四男五女男生輒即死

國子助教河東薛君誌

生男輒死卒無子女一人學浮屠法不嫁為比丘尼

云登封縣尉

盧君誌

子書名女不書名例

男三人長曰初協律次曰彪其幼曰還適三歲女子

九人 殿中侍御史
李君誌

男三人暢申易女三人皆嫁為士人妻 考功員外
盧君誌

生男二人八歲曰壬四歲曰申女子二人 集賢院校
理石君誌

子女並書名例

有男十歲曰義女九歲曰益 處士盧
君誌

書子女及婚例

生男六人其長曰次卿次卿有大才不能俯仰順時

年四十餘尚守京兆興平尉然其友皆曰房氏有

子也次曰次公次膺次回次衡次元始學而未仕

女三人皆嫁為士人妻 興元少尹
房君誌

不書婚姓名例

生三子一男二女男三歲夫死長女嫁亳州永州城

尉姚佺其季始十歲 大理評事
王君誌

生六子四男二女長曰全正惠而早死次曰居中好

學善為詩張籍稱之次曰從直曰居教尚小長女

嫁吳郡陸暢除名人董府君誌

有四子長曰溫質四門博士遵孺遵憲溫裕皆明經

女子長嫁中書舍人平陽路隋其季者幼正議大夫尚書

左丞孔

公誌

書子女婿及外孫例

七男三女邠為澄城主簿其嫡激廊城令放芮城尉

漢監察御史漣洸潘皆進士及公之存內外孫十

有五人中大夫陝府左司馬李公誌

書異母子女例

始娶范陽盧氏女生仁本仁約仁載皆有文行王季

舉進士皆早死仁本為後子獨存後娶趙郡李氏

生三女二夫人凡三男五女河東鄆度鄭公神道碑

初娶吏部侍郎京兆常肇女生二女一男長女嫁京

兆常詞次嫁蘭陵蕭儼後娶河南少尹趙郡李則

女生一女二男其餘男二人女四人皆幼嗣子退

公惠常氏生也朝散大夫尚書庫部郎中鄭君誌

公有四子長曰元孫三原尉次曰元質彭之濠陽尉

曰元立興平尉曰元本河南參軍皆愿敏好善元

立元本皆崔氏出鳳翔隴州節度使李公誌

書子而無女例

子曰友直明州鄭縣主簿曰友諒大廟齋郎施先

其子越能輯父事無失謹謹致孝清河郡公房公墓碣

長子殿中丞繼祖孝友以類扶風郡夫人誌

既葬其子監察御史璩累然服喪未有請故相權公誌

書子女年歲例

男三人璟質皆既冠其季始六歲曰充郎河南少尹裴君誌

男子二人長曰某早死次日天官始十歲有至性聞

呼父官與聞吊客至輒號泣以絕女子一人秘書少監

贈絳州刺史獨孤府君誌

書女出家例

女一人學浮屠法不嫁為比丘尼云登封縣尉盧殷誌

女子三人其長學浮屠法為比丘尼其季二人未嫁

河南府王屋縣尉畢君誌

書子女生於死後例

男三人執規執矩必復其季生君卒之三月

太原府 參軍苗

君誌

子厚有子男二人長曰周六始四歲次曰周七

子厚

卒乃生女子二人皆幼

柳子厚誌

書過房子例

父曰播尚書禮部侍郎侍郎命君後兄據自給事至

君後再絕皆有名遺言曰以公儀之子己巳後我

國子助教河東薛君誌

子男二人長曰肅元某官次曰公武某官肅元早死

公之將薨公武暴病先卒公哀傷之月餘遂薨無

子以公武子孫紹宗為主後

許國公韓弘神道碑

書子文學材質例

戲強以肅成敏以和

息國夫人誌

好學善文能謙謹致孝述父之志曲而不贖

國子司業實公

陝誌

雖皆幼侍疾居喪如成人

贈絳州刺史
馬君行狀

書無子例

唐元和九年歲在甲午八月己亥貞曜先生孟氏卒

無子 貞曜先生誌

蒼崖先生金石例卷之七

蒼崖先生金石例卷之八

書死例

書死于官著年月日例

貞元十八年十月十一日太學博士施先生士馬卒

其僚太原郭伉買石誌其墓昌黎韓愈為之辭 施先

平生誌

疾病改河南少尹與至官若干日卒實元和三年四

月二十三自享年五十 河南少尹
裴君誌

業實公

元和七年二月一日河南少尹李公卒年五十八

少尹李君誌

年六十一以元和六年二月二日卒于官

君誌

書死于官不書年月日例

年若干而終在官舉其職

年七十二以其官終

以疾卒官年五十九

公在相位三年其後以吏部尚書授節鎮山南年六

十以薨贈尚書左僕射謚文公

書死于家著年月日例

使者未復命以十五年正月五日寢疾終于家年五

十有六矣

十四年年六十一五月某日終于家

明年長慶四年正月己未公年七十四告薨於家贈

兵部尚書

正議大夫尚書左丞孔公誌

書死於中道外州著年月日例

元和四年秋有事適東方既還八月壬辰死于汴城

西雙丘年四十有七

河中府法曹張君墓碣

元和五年正月將浴臨汝之湯泉壬子至其縣食遂

卒年五十七

朝散大夫孔君誌

行及揚州遇疾居月餘以長慶元年八月二十四日

卒春秋六十

朝散大夫尚書庫部郎中鄭君誌

書死于中道外州不書年月日例

年二十九客死于京師

李元賓誌

張君諱季友字孝權年五十四病卒東都

虞部員外郎張府君

誌

至南海未幾竟死年五十三

監察御史衛府君誌

書病死例

元和四年年卅七二月十四日疾暴卒

國子助教河東薛君誌

年四十有二元和二年六月辛巳暴病卒

太原參軍苗君誌

疽發背六月乙酉卒年五十二

殿中侍御史李君誌

年七十四長慶二年二月丙寅以疾卒國子司業

命且下遂病以卒年若干南陽樊

校理集賢御書明年六月甲午疾卒年四十二集賢院

理石

在鎮三年以疾乞歸復拜司徒中書令病不能朝以

長慶二年十二月三日薨於永崇里第年五十八

天子為之罷朝三日贈太尉許國公韓

書不病而死例

元和四年十一月二十二日無疾暴薨年六十中散大夫

河南府君

書死而不書死之地例

春秋五十八薨於元和五年八月六日江西觀察

年三十七以卒殿中少監

子厚以元和十四年十一月八日卒年四十七柳子厚

書死而不書死之歲月例

年三十七以卒殿中少監

馬君誌

書生死年月日例

生元和四年年七十二月十四日疾暴卒

國子助教河東

薛君誌

書病死例

年若干元和七年甲子日南至以疾卒

息國夫人誌

書死不書病例

貞元十九年四月四日卒于東都敦化里年六十有

九 河南府法曹盧府君夫人苗氏誌

書死為薨例

元和五年尚書薨夫人哭泣成疾後二年亦薨年四

十有六 扶風郡夫人誌

夫人以元和十四年十一月一日薨于郾之公府春

秋若干大夫委節去位奉喪以居東都詔起之辭

以羸毀不任即命又加喻勉 楚國夫人翟氏誌

書葬例

書勅葬例

在鎮三年以疾乞歸復拜司徒中書令病不能朝以

長慶二年十二月三日薨于永崇里第年五十八

天子為之罷朝三日贈太尉賜布粟其葬物有司

官給之京兆尹監護許國公 韓弘誌

詔所在給船輦傳歸其家賜錢物以葬長慶四年四

月某日其妻子以君之喪葬於某州某所幽州節度判官

贈給事中
張君誌

書詔許還事例

長慶元年詔曰左降而死者還其官以葬遂以其年

某月日葬於東都某縣昭武校尉守左金吾衛將軍李公誌

明年立皇太子有赦令許歸葬其子居中始奉喪歸

元和八年十一月甲寅葬於河南河南縣萬安山

下太師墓左除名人董府君誌

書自他州返葬例

於歛之二十日其妻與其子以君之喪旋葬於汝州

其二月某日遂葬于某縣某鄉某原崔評事誌

四月己酉其兄左拾遺即以喪東葬河南壽安之其

泉鄉家瑩憲公墓側將以五月壬申窆秘書少監贈絳州刺

史獨孤府君誌

明年兄子塗與其弟庾揆等護柩歸葬長安縣馬額

原夫人壯海唐氏之封虞部員外郎張府君誌

元和十年十二月某日歸葬河南某縣某鄉某村祔

先瑩監察御史衛府君誌

以十五年七月十日歸葬萬年先人墓側柳子厚誌

書葬他州例

初君樂號之士田山水求掾其州去官猶家之既卒

因以其年九月某日葬州北十里崔長史墓西號州

司戶韓府君誌

三日而歛既歛七日權葬宜春郭南一里嗚呼其可

惜也已韓滂誌

書葬祖父墓域側

歛之三月某甲子葬河南伊闕嗚皋山下自簡州

而下皆葬鳴臯山下河南少尹李公誌

某年十月戊申葬河南洛陽縣距其祖澠池令府君

僑墓十里殿中侍御史李君誌

十月庚申樊子合凡贈賻而葬之洛陽東其先人墓

左以餘財附其家而供祀貞曜先生誌

即以其年十一月二十二日從葬于鄭州廣武原先

人之墓次朝散大夫尚書庫部郎中鄭君群誌

某年八月某日葬河南偃師先公尚書之埵次國子司業

竇公誌

書夫祔妻墓例

某月二十六日穿其妻墓而合葬之在其縣某地太學

博士李君干誌

某年閏三月廿一日弟試太子通事舍人公儀京兆

府司錄公幹以君之喪歸以五月十五日葬于京

兆府萬年縣少陵原合祔王夫人國子助教薛君誌

書妻祔夫墓例

嗣子通王屬良禎以其年十月庚寅葬公于開封縣

魯陵崗隴西郡夫人李氏祔焉

清邊郡王
楊燕奇碑

九年正月癸酉祔于其夫之封

扶風郡
夫人誌

明年八月十四日葬京兆奉先夫人天水趙氏祔焉

中散大夫少府
監胡良公碑

書合葬例

年若干而終在官舉其職夫人姓李隴西人君在配

君子無違德君歿訓子女得毋道其後君二十年

年六十六而終 君祖子輿濮州濮陽令父同舒

州望江令夫人之祖延宗鄆州司馬父進成鄜州

洛交令

考功員外
盧君誌

貞元十七年九月丁卯隴西李翺合葬其皇祖考貝

州司法叅軍楚金皇祖妣清河崔氏夫人于汴州

開封縣某里昌黎韓氏紀其世著其德行以識其

葬其世曰由梁武昭王六世至司空司空之後二

世為刺史清淵侯由侯至于貝州凡五世其德行

曰事其兄如事其父其行不敢有出焉其夫人事

其姒如事其姑其於家不敢有專焉 其葬曰朝

既遷貝州君之喪于貝州殯于開封遂遷夫人之

喪于楚州八月辛亥至于開封壙于丁巳壙于九

月辛亥窆于丁卯 貝州司法參軍李君誌

書各葬例

其年八月甲申從葬河南河陰之廣武原卜人曰今

茲歲未可以祔從卜人言不祔 朝散大夫贈司勳員外郎孔君誌

書因某人歸葬例

既歛之三日友人博陵崔弘禮葬之于國東門之外

七里鄉曰慶義原曰高原友人韓愈書石以誌之

李元實誌

書本月內葬例

卒三日葬河南縣北十五里愈率婦孫視窆封 乳母誌

以其月二十五日從葬偃師之士妻 河南府王屋縣尉畢君誌

書本年内葬例

墓在河南緱氏縣梁國之原其年月日元和二年二

月十日云 考功員外
盧君誌

其年七月某日祔于法曹府君墓在洛陽龍門山南

府法曹參軍盧府
君夫人苗氏誌

其妻清河張氏以其年十二月丙寅葬君于洛陽平

陰之原 太原府參
軍苗君誌

書明年葬例

明年葬京兆萬年少陵原 銀青光祿大夫襄陽
郡王平陽路公誌

明年二月葬河南偃師 河中府法
曹張君誌

明年二月甲午從葬懷州 中散大夫河南
尹杜君誌

明年七月壬寅從葬萬年縣少陵原 江西觀察
常公誌

特書某年葬例

長慶二年三月某日葬夫人于洛陽北山 楚國夫人
翟氏誌

以四年二月某日葬于河南某縣先塋之側 江西觀
察常侍

太原王
公誌

不書年月日例

即葬于其地烏氏先

廟碑

不書葬地例

樊紹述既卒且葬

南陽樊紹述誌

書某月幾日不書甲子例

其二月某日遂葬于某縣某鄉某原

崔評事誌

以五月十五日葬于京兆府萬年縣少陵原

國子助教薛君

誌

遂以其月十四日合葬河南緱氏之高龍原

興元少尹房公

誌

書某月甲子即不書幾日例

以其年十月庚寅葬公于開封縣魯陵岡

清邊郡王楊燕奇碑

卜葬得公卒之四月壬寅遂以其日葬東都芒山之

陰杜翟村

河南少尹裴君誌

於其年九月乙酉其弟渾以家有無葬以車一乘於

龍門山先人兆

處士盧君誌

其年十月戊申葬河南洛陽縣

殿中侍御史李君誌

蒼崖先生金石例卷之八

蒼崖先生金石例卷之九

○論古人文字有純疵

前輩作文各有入門處退之本孟子永叔亦祖孟子故其

講論純正少疵子厚明允集中皆自言其所得處明允

多自戰國策中來視子厚為不純子瞻亦宗其家學氣

燄赫奕人多慕之然少純正要之自六經中出則源深

而流長人但見正大溫粹不知其所養者有本也此最

當謹所習之始者不謹則末流可知

論作文法度

立本論前說備矣本者既立必學問充就而後識見造詣
允見之議論言語者皆正大純粹如冠冕珮玉入宗廟
之中人自起敬學力既到體制亦不可不知如記銘贊
頌序跋各有其體不知其體則喻人無容雖有實行識
者幾何人扒體制既熟一篇之中起頭結尾繳換曲折
折轉反覆難應關鎖綱目血脈其妙不可以言盡要須
助自得於古人

韓文公上李侍郎書云大之為河海高之為山嶽明之為
日月幽之為鬼神纖之為珠璣華實變之為雷霆風雨
答尉遲生書云本深而未茂形大而聲宏行峻而言厲
心醇而氣和昭晰者無疑優游者有餘上手頓相公書
云變化若雷霆浩汗若河漢正聲諧韶濩勁氣沮金石
凡皆形容文章之妙公實道習申之自得者不區區入
黃氏日抄韓文公與馮宿論文謂稱意者人以為怪下筆
令人慚則人以為好古文真何用於今以俟知者知耳

公始矯其說以振起一世之庸庸者乎然歷數百年至
本朝歐陽公方能得公之文於殘素而發揚之否者於
於湮沒自歐陽公以來雖曰家藏而人誦殆不過野人
議壁隨和稱好及自執筆為文鮮有不與之背真知公
之文者又幾何人哉愚嘗嘆息而為之自誓曰人誰不
講孔孟之學至遇事則徃徃而違其訓人誰不讀韓歐
之文至執筆則徃徃而非其體人莫不飲食鮮能知其
味不心誠求之是真無益哉

答劉正夫書論為文譬之百物朝夕所見者人皆不注視
及覩其異者則衆觀之又謂用功深者其收名也遠答
陳商書喻以齊王好竽而鼓以瑟所謂工於瑟而不工
於求齊合是兩書而觀之庸庸者不足以自見恠恠者
非所以諧俗公所告語雖各隨其病而藥之功深一語
則均所當務而根本之論乎

答李翱書生之書辭甚高而其問何下而恭也能如是誰
不歆告生以其道道德之歸也有日矣况其外之文乎

柳愈所謂望孔子之門墻而不入于其宮者馬是以知是且非也邪雖然不可不為生言之生所謂立言者是也生所為者與所期者甚似而幾矣抑不知生之志斬勝於人而取於人耶將斬至於古之立言者邪斬勝於人而取於人則固勝於人而可取於人矣將斬至於古之立言者則無望其速成無誘於勢利養其根而竄其實加其膏而希其光根之茂者其實遂膏之沃者其光暉仁義之人其言諱如也抑又有難者愈之所為不自知其至猶未也雖然學之二十餘年矣始者非三代兩漢之書不敢觀非聖人之志不敢存處若亡行若遺儼乎其若思茫乎其若迷當其取於心而注於手也惟陳言之務去憂憂乎其難哉其觀於人不知其非笑之為非笑也如是者亦有年猶不改然後識古書之正偽與雖正而不至焉者昭昭然白黑分矣而務去之乃徐有得也當其取於心而注於手也汨汨然來矣其觀於人也笑之則以為喜譽之則以為憂以其猶有人之說者

存也如是者亦有年然後浩乎其沛然矣吾又懼其雜也迎而距之平心而察之其皆醇也然後肆焉雖然不可以不養也行之乎仁義之途游之乎詩書之源無迷其途毋絕其源終吾身而已矣氣水也言浮物也水大而物之浮者大小畢浮氣之與言猶是也氣盛則言之短長與聲之高下者皆宜雖如是其敢自謂幾於成乎雖幾於成其用於人也奚取焉雖然待用於人者其肯於器邪用與舍屬諸人君子則不然處心有道行已有方用則施諸人舍則傳諸其徒垂諸文而為後世法如是者其亦足樂乎其無足樂也有志乎古者希矣志乎古必遺乎今吾誠樂而悲之亟稱其人所以勸之非敢褒其可褒而貶其可貶也問於愈者多矣念生之言不志乎利聊相為言之

韓退之

柳柳州答常中立書始吾幼且少為文章以辭為工及長乃知文者以明道是固不苟為炳炳烺烺務采色夸聲音而以為能也凡吾所陳皆自謂近道而不知道之果

近乎遠乎吾子好道而可吾文或者其於道不遠矣故
吾每為文章未嘗敢以輕心掉之懼其剽而不留也未
嘗敢以怠心易之懼其弛而不嚴也未嘗敢以昏氣出
之懼其昧沒而雜也未嘗敢以矜氣作之懼其悞蹇而
驕也抑之欲其奧揚之欲其明踈之欲其通庶之欲其
節激而發之欲其清固而存之欲其重此吾所以羽翼
夫道也本之書以求其質本之詩以求其恒本之禮以
求其宜本之春秋以求其斷本之易以求其動此吾所
以取道之原也叅之穀梁氏以厲其氣叅之孟荀以暢
其支叅之莊老以肆其端叅之國語以博其趣叅之離
騷以致其幽叅之太史以著其潔此吾所以旁推交通
而以為之文也凡若此者果是耶非耶有取乎抑其無
取乎吾子幸觀焉擇焉有餘以告焉苟亟求以廣是道

子不有得焉則我得矣

朱文公曰韓柳答李翊書
中立書可見其用力處

與友人論文書古今號文章為難足下知其所以難乎非
謂比興之不足恢拓之不遠鑽礪之不工頗類之不除

也得之為難知之愈難耳苟或得其高朗探其深順雖有蕪敗則為日月之蝕也大圭之瑕也曷足傷其明熱其寶哉且自孔氏以來茲道大闡家脩人勵利精竭慮者幾千年矣其間耗費簡札役用心神者其可數乎登文章之錄波及後代越不過數十人耳其餘誰不欲爭裂綺繡互攀日月高視於萬物之中雄峙於百代之下乎悉皆縱史而不克躑躅而不進力蹙勢窮吞志而沒故曰得之為難嗟乎道之顯晦幸不幸繫焉談之辨訥升降繫焉鑒之頗正好惡繫焉交之廣狹屈伸繫焉則彼卓然自得以奮其間者合乎否乎是未可知也而又榮古虐今者比肩疊跡大底生則不遇死而垂聲者衆焉楊雄沒而法言大興馬遷生而史記未振彼之二才且猶若是况乎未甚聞著者哉固有文不傳於後祀聲遂絕於天下者矣故曰知之愈難而為文之士亦多漁獵前作戕賊文史挾其意抽其華置齒牙間遇事遂起金聲玉耀誑聾瞽之人徼一時之聲雖終淪棄而其奪

朱亂雅為善已甚是其所以難也

柳子厚

蘇明允上歐陽公書孟子之文語約而意盡不為峴刻斬絕之言而其鋒不可犯韓子之文如長江大河渾浩流轉虬鬣蛟龍萬恠惶惑而抑遏掩蔽不使自露而人望見其淵然之光蒼然之色亦自畏避不敢近視

蘇子由曰太史公行天下周覽名山大川與燕趙間豪俊交遊故其文踈宕頗有奇氣

韓愈以六經之文為諸儒倡障隄末流反剗以樸刻偽以真粹然一出於正刊落陳言橫鶩別驅汪洋大肆無抵梧聖人者其原道原性師說數十篇皆奧衍宏深與孟

軻揚雄相表裏而佐佑六經云

本贊

○子厚之文雄深雅健似司馬子長崔蔡不足多也

本傳

蘇子瞻曰歐陽公云晉無文章惟陶淵明歸去來辭余亦謂唐無文章惟韓愈送李愿歸盤谷序

歐陽公文集序云歐陽子之學推韓愈孟子以達於孔氏著禮樂仁義之實以合於大道其言簡而明信而通引

物連類折之於至理以服人心故天下翕然師尊之自
歐陽子出天下爭自濯磨以通經學古為高以救時行
道為賢以犯顏納諫為忠至嘉祐末號稱多士歐陽子
之功為多

蘇子瞻

邵氏後錄云東坡中制科王荊公曰全類戰國文章故荆
公脩英宗實錄謂明允有戰國縱橫之學

東坡之文如長江大河一瀉千里至其混浩流轉曲折變
化之妙則無復可以名狀蓋能文之士莫之能尚也而

尤長於指陳世事敘述民生疾苦方其年少氣銳尚歆
汎掃宿弊更張百度有賈太傅流涕漢庭之風及既懲
創王氏一意忠厚思與天下休息其言切中民隱發越
懇到使巖廊崇高之地如親見閭閻哀痛之情有不能
不惻然感動者真可垂訓萬世矣嗚呼休哉

黃氏
曰抄

蘇子瞻曰凡人作文須是筆頭上挽得數百鈞起○凡作
文如行雲流水初無定質但常行於所當行常止於不
可不止文理自然情態橫生

李漢老曰為文之法有筆力有筆路筆力到二十歲便定
後來長進只就上面添得些子筆路則常拈弄時轉開
拓不拈弄便荒廢

杜牧之曰文以意為主氣為輔以辭采為兵衛

李文饒曰譬之日月雖終古常見而光景常新

朱文公曰古人作文多摹倣前人學之既久自然純熟

今人於韓文知其力去陳言之為工而不知其文從字
順之為貴

歐陽公曰為文有三多看多做多商量多

鶴山曰辭根於
氣氣命於志志

立於
學

西山先生問傅公景仁以作文之法傅公曰長於善舞多

財善賈子歸取古人書熟讀而精甄之則蔚乎其春榮

薰乎其蘭馥有日矣

平齋洪公曰古今萃於曾中造化運於筆下多讀多做兩

盡為勝

夏文莊曰美辭施於頌贊明文布於牋奏詔誥語重而體

宏歌詠言近而音遠

陸士衡曰謝朝華於已披啓夕秀於未振○銘博約而溫潤箴頓挫而清壯頌優游以彬蔚○要辭達而理舉故無取乎冗長○立片言以居要乃一篇之警策雖衆辭之有條必待茲而效績

野處洪公曰文章有淵源有機杼有關鍵有本根○用其文如老農之用耒且而溉中而耘深耕而熟耰之吾文唐矣不西漢若乎漢矣不三代若乎歛然自視未能參

於柳州吏部之真則日引月長不至不止也

朱文公曰作文自有穩字古之能文者純用便用著

宋景文云

人之屬文有穩當字弟初思之未至也

李德裕文箴曰文之為物自然靈氣忽恍而來不思而至杼軸得之澹而無味琢刻藻繪弥不足貴如彼璞玉磨龍成器奢者為之錯以金翠美質既凋良寶斯棄

朱文公曰前輩文有氣骨故其文壯今人只是於技業上粉澤爾○後山携所作謁南豐因留款語通作一文字

事多因託後山為之成數百言南豐曰大略也好只是
冗字多後山請改竄南豐取筆抹數處每抹處連一兩
行凡削去一二百字後山讀之則其意尤全因歎服遂
以為法

文心雕龍曰風骨之采則驚集翰林采之風骨則雄竄文
圃若藻耀而高翔固文章鳴鳳也○鎔冶經典之範翔
集子史之術洞曉情變曲昭文體然後能摹甲新意雕畫
奇辭○才有天資學謹始習斲梓染絲功在初化器成

綵定難可翻移○情者文之經辭者理之緯○才為盟
主學為輔佐○善為文者富於萬篇貧於一字一字非

少相避為難也

曾文昭曰文才出於
天分可省學問之半

汪彥章謂傳自得曰今世綴文之士雖多往往昧於體製
獨吾子為得之不懈則古人可及也

○論作文當取法經史造語

王景文曰文章根本皆在六經非惟義理也而機杼物采
規模制度無不具備者張安國出考古圖其品百二十

有八曰是當為記於經乎何取景文曰宜用顧命游虞
山記事將哀所歷序之曰何以景文曰當用禹貢
叙事法禹貢顧命考工記其次左傳史記西漢書各物當
類編字面考究○論事似賈誼董仲舒劉向
句法求之檀弓則音節響亮言語絢麗
銘辭贊頌不似風雅則俚而無足

詩當得風雅頌之旨趣因事感發性情之正騷選以下宜
取其體製唐律當學他格式嚴整至於淫艷乃所當戒
余教人作文先要令解其經蓋以所說之書使之演文
既是熟於義理就其中抑揚以得作文之法此是求速
化之術全章既能解釋則作疑義設疑以問之以觀其
見識若能因所問得其旨意則心地已開見識已到然
後斷史以觀其處事如此則作詩作文無所不通矣良
弓之子必學為箕良冶之子必學為裘無與於弓冶教
人者使之以歸其理此當與智者道學者能如是用工
他日悟其言之有味不然視之為迂濶而近效亦終不

可得矣

○學文凡例

凡金石文例詳見前卷曰制曰誥曰詔曰表曰露
布曰檄曰箴曰銘曰記曰贊曰頌曰序曰跋皆文
章之流也匪著其目則學者無所於攷用列於後
云

制式

門下

云

具官某

云

於戲

云

可授某官王者施

行

擬制之始

唐虞至周皆曰命秦改命為制漢因之下書有四而

制書次焉

其文曰制
詔三公

顏師古謂為制度之命唐王言

有七其二曰制書大除授用之學士初入院試制書

批答共三篇

白居易入翰林以所試制加段祐兵部
尚書領涇州韓偓試武臣受東川節度

制此試制之始也

舍人不試多
自學士廷

制用四六以便宣讀

宋朝加制誥

元豐改中
書舍人

召試中書而後除不試號為

異禮所以試者觀其敏也試制詔三篇宰相俟納卷始上馬翌日進呈除目方下

擬制之式

制頭四句能包盡題意為佳

如所擬有檢校少保又有儀同三司又換節又

帶軍職又作帥四句中能包括盡此數件是也

若鋪排不盡則當擇題中體

面重者說其餘輕者於散語中說亦無害

輕者如軍職三司是

也制起須用四六聯不可用七字○制頭四句四六

一聯散語四句或六句

不必用聯

具官名須於職官

分紀尋替換字如尚書為中臺吏部為選部禮部為儀曹似此類須每件尋兩三般蓋臨時有聲律虛實之不同也即曹以下不必記非後官而記者止卿監司紫○制中散語不可四句相似如兩句用之字則下兩句用以而字可也不然則上兩句之字在第五字下兩句之字在第四字亦可

西山先生曰制誥王言也貴乎典雅溫潤用字不可深僻造語不可尖新制詞三處最要用工一日破題

要包盡題目而不麤露首四句二曰敘新除慶款其

精當而忌語太繁推源所為設官除授之意用古事為一聯尤好如莫侍郎步軍制法

黃帝之兵允賴為營之重資漢人之技莫如用步之強最妙三日戒辭於戲而下

是也用事欲其精切須要古事或古語為聯切於本題有叮寧告戒之語如傳景仁

少保侍讀用說命周官周子及揚帥制用擊楫中流陳自明宗室觀使制用秘書仙圖此等事既親切而

造語妥貼野處洪公贊所業書曰昔丁文簡公未遇是為法

之日手其所為制誥一篇贊諸王公大人之門人見

者皆非之丁獨毅然不顧曰異日當有知我者其後

直掖垣登玉堂以至政地而昔日所為文始盡得施

用有志者事之竟成如此

倪正父曰文章以體制為先精工次之失其體制雖

浮聲切響抽黃對白極其精工不可謂之文矣凡文

皆然而王言尤不可以不知體制龍溪益公號為得

體制然其間猶有非君所以告臣人或得以指其瑕

者

朱文公曰范滂夫作冀王制云周尊公旦地居四輔

之先漢重王蒼位列三公之上及我仁祖加禮荆王
顧惟冲人敢後叔父自然平正典重彼工於四六者
却不能及

李公父歆應詞科西山指竹夫人戲曰試為進封制
可乎公父未聯云保抱携持朕不安丙夜之枕輾轉
反側爾尚形四方之風西山稱賞

王器之京東淮東宣撫制戒辭云公于江而達泗朕
方恢禹之九州率彼浦以省徐尔尚勉周之三事

迂齋樓公曰經句對經句如在武丁時作召公考惟
汝一德于今三年天惟顯思民亦勞止有能奮庸爰
立作相經營四方飲御諸友之類固是天造地設若
萬人留田對三事就緒雖以史句對經句緣有氣勢
所以不覺

北海督府訓辭尤為宏偉有曰盡長江表裏之封悉歸
經略舉宿將王侯之責咸聽指揮

李漢老曰張樂全高簡純粹王禹玉溫潤典裁元厚

之精麗穩密蘇東坡雄深秀偉皆制詞之傑然者

誥式

勅云云具官某云云可特授某官二人以上同制則

於詞前先列除官人具銜姓名可特授某官於勅下

便云其官某等末云可依前件侍從以士用聯詞餘官云勅具官某云云

尔云云

擬誥之始

誥告也其原起于湯誥周官大祝六辭三曰誥士師

五戒二曰誥成王封康叔唐叔命以康誥唐誥漢元

狩六年立三子為王初作誥唐白居易集翰林曰制

誥中書曰制誥蓋內外命書之別宋朝西掖初除試

誥而命題亦曰制

擬誥之式

東坡制詞有議論荆公南豐外制佳王子法曰南豐本法意原職守

而為之訓勅人人不同咸有新趣衍裕雅重自成一家胡致堂曰辭貴簡嚴體歸典重

周益公曰韓退之崔群戶部侍郎制初云地官之職

邦教是先末云選賢與能于今惟重擇人經賦自古

尤難凡命版曹何嘗不主理財惟退之先及邦教而

以經賦二字終之深合經旨唐錢翊曰體正而有倫辭約而居要終始明白

所以為誥

詔式

勅門下或云勅某等故茲詔曰獎諭誠諭撫諭隨題改之想宜知悉

擬詔之始

周官御史掌贊書注云若今尚書作詔文秦改令為

詔漢下書有四三曰詔書其文曰四曰誡勅其文曰

某官唐貞觀末張昌齡召見試息兵詔此試詔之始也

其後學士試批答宋朝西掖初除試詔紹聖試格止

曰誡諭如近體試諭風俗或百官之類紹興改為詔

唐封教作慰邊將詔曰傷居爾體痛在朕躬賜李德

裕制曰謀皆予同言不他惑李德裕草詔賜王元達

何弘敬曰勿為子孫之謀欲存輔車之勢皆切中事

情宋朝前若水草賜趙保忠詔曰不斬繼廷存狡免
之三穴潛疑光嗣持首鼠之兩端汪彥章草賜高麗
詔曰懷晉館以納車庶無後悔開漢關而謝質非用
規前

擬詔之式

東萊先生曰詔書或用散文或用四六皆得惟四六者下語須渾全不可如表求新奇之對而失大體但觀前人之詔自可見

散文當以西漢詔為根本次則王岐公荆公曾子開詔熟觀然後約以今時格式不然則似今時文策題矣西漢詔中語如吏獨安取此皆秉德以陪朕之類當勾抹出規倣之李漢老曰西漢詔令溫厚雅馴或人主自親其文○周益公曰答皇

子詔用卿字非是前輩知體則不然其他或汝或王或公皆當有別

吳絃與唐叔義詔皆得體

西山先生曰王言之體當以書之誥誓命為祖而參

以兩漢詔用朱文公曰三代詞誥誓命皆根源學問敦陳義理

兩漢詔令辭氣藹然深厚爾雅可為代言之法南豐曰漢

詔令典正謹嚴尚為近古唐常袞楊炎元稹之屬號能為訓辭其文未有遠過人者○朱文公曰國初文章皆嚴重老成嘉祐以前文雖拙而辭謹重所以風俗渾厚

表式

賀

臣某言 或云臣某等言 恭覲 守臣表云恭聞 某月日 云云者 祥瑞表 云伏覲

太史司奏云云者○守臣表云云臣某 懼忭懼忭頓首謹言

首頓首竊以云云恭惟皇帝陛下云云臣無

任瞻天望聖激切屏營之至謹奉表稱賀以聞臣某

懼忭懼忭頓首頓首謹言

年月日具官臣姓某上表

謝

臣某言伏蒙聖恩 云云者 謝除授云伏奉告 命授臣某官職者 云云臣

某惶懼惶懼頓首頓首竊以云云此後或云伏念臣 云云茲益恭遇

皇帝陛下 云云臣 無任感天荷聖激切屏營

之至謹奉表稱謝以聞 進謝恩詩云謹各齋沐撰成謝恩詩隨表上進以聞 臣

某惶懼惶懼頓首頓首謹言

進書 進貢 陳請

臣某言 云云 臣某惶懼惶懼頓首頓首 云云進國史等云恭

以某宗皇帝云云 恭惟皇帝陛下 云云 臣 云云 無任 餘用竊以云云

瞻天望聖激切屏營之至

陳情表云臣某等無任祈天俟命云云 所有

某書若干卷用謹隨表上進以聞

進詩云恭和御製詩之類。進貢云

某某物云云。陳情表云謹奉表陳請以聞

臣某惶懼惶懼頓首頓首謹

言代宰臣以下陳請表如請御正殿之類中謝後或云竊以云云或云恭惟皇帝陛下云云未云伏望

皇帝陛下云云

擬表之始

表明也標也標著事序使之明白三王以前謂之敷

奏秦改為表漢群臣書四品三曰表

不需頭上言臣某言下言誠惶

誠恐頓首頓首左方下附曰某官臣甲乙上

陽嘉元年左雄言孝廉先詣

公府文吏課箋奏又胡廣以孝廉試章奏然則章奏

試士其始此歟唐顯慶四年進士試闕內父老迎駕

表開元二十六年西京試擬孔融薦禰衡表則進士

亦試表

擬表之式

東萊先生曰表中謝後當說竊以各隨題意如代樞

密使謝賜玉帶表云竊以裴度視師服章武通天之

賞衛公戡難拜文皇于闕之珍

視師戡難俱見桓臣之意非泛泛引用此

如謝賜御書尚書周易表云竊以法始四營莫辨乎

易文兼五典皆聚此書是也或用事或不用事亦無

定格如進實錄實訓表中謝後當說恭以某宗皇帝

云云頌德不用竊以羅疇老代高麗脩貢表全篇皆穩其

間一聯云地瀕日出每輸傾藿之心天濶露零亦被

藜蕭之澤二事人用之極熟此聯稍變言語遂為佳

句大抵用事當如此不然則汎濫雷同矣其斷句云

矢來肅謹用昭遠慕之誠弓掛扶桑永荷誕敷之德

亦好

大抵表文以簡潔精緻為先用事不要深僻造語不

可尖新鋪叙不要繁冗此表之大綱也

誠齋楊公曰有用古人全語而雅馴妥帖如已出者

介甫賀冊妃表云關雎之求淑女無險詖私謁之心

鷄鳴之思賢妃有警戒相成之道

因六有作流麗語者須典而不浮汪彥章賀神降萬

歲山表云恍若壺天金成宮闕浩如玉海虹貫山川
有作華潤語而重大者最不多得曾子固云鈞陳大
微星緯咸若崑崙渤海波濤不驚

露布式

尚書兵部

晉曰尚書五兵○隋唐方曰兵部○唐龍
朔二年曰中臺司戎○天寶十二載曰尚

書武部○至
德二載復舊

臣某言臣聞

云云

恭惟皇帝陛下

云云

臣等

云云臣

無任慶快激切屏營之至

唐露布云不
勝慶快之至

或云無任
慶躍之至謹遣

或云
謹差

某官奉露布以聞

擬露布之始

露布之名始于漢按光武紀注漢制度曰制詔三公

皆璽封尚書令印重封露布州郡祭祀志注引東觀

書有司奏孝順號露布奏可又鮑昱詣尚書封胡降

檄曰故事通官文章不著姓又當司徒露布李雲露

布上書注謂不封也魏改元景初詔曰司徒露布咸

使聞知蜀漢建興五年春伐魏詔曰丞相其露布天

下此皆非將帥獻捷所用通典云後魏攻戰克捷欲

天下聞知乃書帛建於涑竿上名為露布自此始也

彭城王勰曰露布者布於四海露于耳目王肅獲賊二二皆為露布韓顯

宗有高曳長纒虛張功捷之譏李文稱傳脩期下馬

作露布齊神武破芒山軍為露布杜弼即書絹不起

草唐制下之通上其制有六三曰露布兵部侍郎奉

以奏聞集群官東朝堂中書令宣布隋開皇中撰張宣露布禮

昌齡為崑丘道記室平龜茲露布為士所稱于公異

為招討府掌書紀朱泚平露布曰臣既肅清宮禁祇奉

奉寢園鍾簾不移廟貌如故德宗咨歎焉薛收為露布或馬上

占辭封常清於幕東晉未有露布隆興初以晉破符堅下潜作捷布

命題似有可疑然文章緣起曰漢賈洪為馬超伐曹

操作而魏志注謂虞松沒司馬宣王征遼東及破賊作

露布隋志有魏武帝露布文九卷世說云桓溫北征

令袁宏倚馬前作露布手不輟筆俄成七紙則魏晉

已有之當考宋書云楊文德建露板馳告朝廷文心雕龍曰露布者蓋露板不封布諸視聽

也宋朝王元之擬李靖平突厥露布此擬題之始歟

擬露布之始

東萊先生曰頭四句後再用兩句散語須便用兩事如蠻夷則用前代伐蠻夷之事盜賊則用前代伐僭亂之事

尚書兵部臣某等言

主師臣聞說伐叛之意 恭惟尊號

皇帝陛下

頌德更說四方向化此賊獨拒命

某賊

須極罵之須臣說當時罪

某等

說受成攻伐

某賊

說當時拒賊次第

臣等

說攻討次第斯說擒賊得地

皆

歸善臣云云末用一聯結之意

西山先生曰露布貴奮發雄壯少麤無害不然則與賀勝捷表無異矣

翟公遜作擒賊露布曰不以賊遺君父已殄凶殘凡克敵示子孫毋忘勲伐

張燕公平契丹露布曰山川積雨盡消胡騎之塵草木長風咸有王師之氣

王元之擬李靖露布敘頡利求降且復謀窺曰穿中餓虎暫為掉尾之求鞬上饑鷹終有背人之意

檄式

某年某月日某官某告某處或曰移某郡蓋聞云末云檄

到如章書不盡意或云茲言不欺其聽毋違故為檄委曲檄言不爽其聽毋違故為檄委曲檄

到其善詳所處如律令或司馬長卿喻蜀檄首云告巴蜀太

守末云檄到亟下縣道陳孔彰為袁紹檄豫州首云左將

使咸喻陛下意毋忽軍領豫州刺蓋聞云云司空曹操云云幕府云云廣

史郡國相守宣恩信班揚符賞布告天下云云如律令 檄吳將

校部曲文首云年月朔日子尚書令或告江東諸將校部曲及孫權宗親中外蓋聞云

一故令往募爵賞科條如左檄到詳思至言鍾士季

檄蜀文末云各具宣布咸使聞知宋告司兗二州末云幸加三思詳擇利害又尚

書符征南府末云文書千里驛行

擬檄之始

檄軍書也祭公謀父所謂威責之令文告之辭東萊

先生曰晉侯使呂相絕秦檄書始於此然春秋之世

鄭子家使執訊與書以告趙宣子晉之邊吏責鄭王

使詹伯辭於晉王子朝使告諸侯皆未有檄之名戰

國時張儀為檄告楚相其名始見魯仲連為書約夫遺燕將秦射院移

檄前通說范陽令曰傳檄而千漢有羽檄檄以木簡

為書長尺二寸有急加鳥羽示速也急就篇注檄以木為之長二尺說文亦云二尺書李左車曰奉咫尺

之自相如之後檄書見史策者不可勝紀揚雄曰軍

旅之際飛書馳檄用枚臯謂其為文敏速也唐以前

不用四六周益公擬漢河西大將軍諭隗囂正父

擬晉奮威將軍豫州刺史諭中原豪傑皆用四六然

散文為得體如東萊漢使喻莎車諸國是也釋文曰檄激也

文心雕龍曰檄檄也宣布於外皦然明白

擬檄之式

劉勰文心雕龍曰祭公謀父稱文告之辭即檄之本

原戰國始稱為檄凡檄之大體或述此休明或叙彼

苛虐指天時審人事筭強弱角權勢標著龜於前代

垂鑒於已然詭譎以馳音煇峰以騰說故指義賜

辭務在剴健插羽以示迅不可使辭緩露板以宣衆

不可使義隱必事昭而理辯氣盛而辭斷此其要也

冊府元龜序曰暴揚過惡張皇威武使忠義奮發而邪謀沮壞諭去就之理陳逆順之狀俾之改圖易轍轉禍為福誕告士民使之不獲已而用兵非無名而黷武

東萊先生曰檄書頭說某官告某將士蓋聞

說討叛招

說一段云云惟爾某處將士

說為賊拘脅而不能自歸及畧說賊之罪幕

府說受命討賊甲兵之盛叙當主上

說有過人大度之意開其自新之路

末以歸附則有厚賞恬終則有顯戮自擇禍福結之

末云凡所賞科其如令甲周益公擬喻隗囂檄云君乃昔吳芮效忠世裂長沙之壤田橫亡命身貽海島之羞顧逆順之灼分惟智愚之審擇西山先生曰檄露布乃軍中文字

檄貴鋪陳利害感動人心○所業檄題欲出唐大將

軍河南招慰使傳州縣檄出題出夏侯端傳乃高祖

創業之初非因兵興盜起稍覺氣象住但所疑者一

慰字耳○漢以前無檄六朝以來未有露布編題之

初須要知此漢檄不須四六如司馬相如喻蜀檄之

類漢無四六之文故也

晉檄亦用散文如袁豹伐蜀檄之類○隋唐以來方用四

六如祖君彥駱賓王檄鄭畋移檄藩鎮

擲子厚伐黃賊牒云證側之勇冠一方竟就伏波之

戮呂嘉之威行五嶺終摧下瀨之師嗟與陋微自貶

擒滅

李充曰檄不切厲則敵心陵言不誇壯則軍容弱

箴式

序 云云 箴辭用韻語末云敢告 云云 如揚雄百官九

贊頌並逐句空字

擬箴之始

箴者諫誨之辭若鍼之療疾故名箴 盤庚無伏小人

以箴之召公曰師箴師曠曰工誦箴諫 文心雕龍曰夏商二箴餘句頗

存夏箴見于周書文傳篇商箴見於呂氏春秋名類

篇 又謹聽篇有周箴 周辛甲為太史命百官官箴王闕虞人

掌獵為箴漢楊雄擬其體為十二州二十五官箴後

之作者咸依倣焉隋杜正藏舉秀才擬匠人箴擬題

肇於此唐進士亦或試箴 顯慶四年試貢士箴開元十四年考功箴廣德二年

轅門箴建中三年學官箴

周虞人箴芒芒禹迹畫為九州經啟九道民有寢廟



獸有茂草各有攸處德用不擾在帝夷羿肩于原獸

忘其國恤而思其鹿牡武不可重用不恢于夏家獸

人思原敢告僕夫

告僕夫不
敢斥尊

擬箴之式

東萊先生曰凡作箴須用官箴王闕之意各以其官

所掌而為箴辭如司隸校尉箴當說司隸箴人君振

紀綱非謂使司隸振紀綱也如廷尉箴當說人君謹

刑罰非謂廷尉謹刑罰也

箴尾須依虞箴獸人司原敢告僕夫之類

止是隨題
目改如上

林清臺箴則云史臣司天宗正箴則云宗臣司族廷

尉云官臣司刑司隸校尉云官臣司直太常云禮臣
司典其下句敢告隨韻改之大抵
如敢告誓御敢告僕夫之類是也

西山先生曰箴銘贊頌雖拘韻語然體各不同箴乃

規諷之文貴乎有警戒切劇之意詩庭燎沔水等篇

左氏虞人箴揚子雲百官箴

古文

張茂先女史箴白

居易績虞人箴柳公綽太醫箴王元之端拱箴文粹

中諸箴時時交復熟誦便知體式

箴者下規上之辭須有古人風諫之意惟官名可以

命題所謂百官箴王闕各因其職以諷諫如出周保

章箴則當以敬夫為說其他皆然又有非官名而出

箴者若宣室上林清臺之類亦當引從規諷上立說

東萊先生考工令箴監于太宗罷露臺役一言與邦

萬杵咸息監于中宗肅然齋居器械技巧圭黍莫誣

就用漢事可以為式

胡廣百官箴敘曰箴諫之興所由尚矣聖君求之於

下忠臣納之於上故虞書曰予違汝弼汝無面從退

有後言墨子著書稱夏箴之辭文心雕龍曰揚雄稽古始範虞箴卿尹州

牧二十五篇及崔胡補綴總稱百官所謂追清風於前古攀新甲於後代

銘式

序云云銘詩用韻語諸墓銘式已見前卷此所紀宮室器用等皆有銘文例不可畧

也如張孟陽劍閣銘柳宗元塗山銘之類

擬銘之始

銘始於黃帝漢藝文志道家有黃帝銘六篇應劭曰盤孟諸

書黃帝史孔
甲所作銘也

禹銘筭簠湯銘于盤

銘者名也因其器
名書以為戒也

武王聞丹書之言為銘十六減武仲曰夫銘天子令
德諸侯言時計功大夫稱伐文心雕龍曰夏鑄九鼎
周勒楛矢令德之事也呂望銘昆吾仲山鑊庸器計
功之義也魏顆景鍾孔悝衛鼎稱伐之類也蔡邕銘
論曰德非此族不在銘典詩傳曰作器能銘可以為
大夫考工記嘉量有銘文選序曰銘則序事清潤陸
倕石闕漏刻二銘皆有序張載劔閣銘末云勒銘山
阿敢告梁益則寓警戒之旨隋杜正元舉秀才擬燕
然山劔閣銘杜正歲擬考銘唐崔渙還調吏部侍郎
嚴挺之施特榻試爨尊銘謂曰子清廟器故以題相
命建中三年進士別頭試歌器銘興元元年朱千銘
則以銘試士尚矣

擬銘之式

文心雕龍曰箴貴確切銘貴宏潤事必覈以辨文必
簡而深

朱文公曰武王諸銘有切題者如鑑銘是也亦有不可曉者古人只是述戒懼之意隨所在寫以自儆今人爲銘要就此物上說得親切如湯盤銘之類

擬記之始

記者記事之文也西山先生曰禹貢武成金縢顧命記之屬似之文選止有奏記而無此體古文苑載後漢樊毅修西嶽廟記其末有銘亦碑文之類至唐始盛獨狐及風后八陣圖記後擬題倣之

擬記之始

凡作文字先要知格律次要立意次要語贍所謂格律但熟考總類可也所謂立意而學記泛說尚文是無意也須就題立意方爲親切柳子厚柳州學記說仲尼之道與王化遠邇此兩句便見嶺外立學不可移於中州學校也所謂語贍如韓退之南海神廟文乾坤端倪軒豁呈露一段老蘇元渙字序說風水一段是也雖欲語贍而不可太長

謂專事言語

不可近借不

可多用難字

熟看韓柳歐蘇先見文字體式然後徧攷古人用意下句處

此部不

又須作一冊篇體製轉換處不拘古文與今文大畧

編之如喜雨亭記亭以兩名志喜也柳文宣王廟碑

仲尼之道與王化遠邇似此之類此作記起頭體製

也歐公真州發運園記中間一節此記中間鋪敘體

製也柳萬石亭記附零陵故事之類此記末後體製

也

記序以簡重嚴整為主而忌堆疊窒塞以清新華潤

為工而忌浮靡纖麗

文心雕龍曰思贍者善敷才覈者善剛善剛者字去而意留善

敷者辭殊而義顯字剛而意缺則短辭覈而言重則蕪○綜學在博取事貴約

朱文公日記文當考歐曾遺法科簡刮摩使清明峻

潔之中自有雍容俯仰之態

又曰歐文敷腴溫潤南豐文峻潔坡文雄健○

水心曰如歐公吉州學豐樂亭南豐擬峴臺道山亭荆公信州興造桂州修城記

張文潛曰文人好奇者或為缺句斷章使脉理不屬

又取古人訓話希於見聞者衣被而說合之反覆咀

嚼卒亦無有此最文之陋也

石林曰今世文章只是用換字減字法

張伯玉吳郡六經閣記云六經閣諸子百家皆在焉
不書尊經也

元祐中新作御史臺詔曾子開為記其略曰責人非
難責己為難云云惟其不難於責己則施於責人能
稱其任矣苟異於是得無餒於中哉世以為名言

贊式

頌說
附後

序

云云
贊曰
云云

擬贊之始

贊者贊美贊述之辭文選序曰圖像則贊興文章緣
起曰司馬相如作荊軻贊班史以論為贊范曄更以

韻語

隋志曰後漢魯廬江有名德先賢之贊蜀揚戲
著季漢輔臣贊○漢明帝殿閣畫陳思王為贊

夏侯湛東方朔畫贊序

云云乃作頌焉其辭曰

云云

袁宏三國名臣序贊序

云云

故復撰序所懷以為之

贊

云云

先序後贊與今體相類唐建中二年進士以

箴論表贊代詩賦此試贊之始中興書月云顧雲鳳
策聯華三卷有補十八學士寫真像贊安西都護府

重築碎葉城碑皆因舊事而作

擬贊之式

西山先生曰贊頌皆韻語體式類相似贊者贊美之

辭頌者形容功德然頌比於贊尤貴贍麗宏肆

屬以典雅張揚昌黎聖德詩徂徠慶曆頌此正格也其用

事造語最忌塵俗須熟讀三百篇博觀司馬相如揚

雄諸賦與夫漢郊祀歌文選所載三京三都七啟七

發之類及韓柳文韻語文字則筆下自然豐腴矣

頌式

序云云頌曰云云如韓愈元和聖德詩柳

擬頌之始

詩有六義六曰頌莊子曰黃帝張咸池之樂有姦氏

為頌文心雕龍曰帝嚳之世咸墨為頌以歌九韶商

周及魯皆有頌所以游揚德業褒讚成功隋杜正元

舉秀才擬聖主得賢臣頌唐開元十一年進士試黃

龍頌十五年試積翠宮甘露頌宋朝淳化三年楊億

於學士院試舒州進甘露頌遂賜及第則賜頌尚矣

宋書曰鮑照為河清頌其序甚工頌詩有序亦不可

畧也有終篇同韻者如元和聖德詩有四句換韻者如平淮西碑歲銘贊倣此

擬頌之式

文心雕龍曰擬清廟範駟那崔爰文學蔡邕樊渠竝

致美於序而簡約乎篇 取鎔經意自鑄偉辭 又

曰賈誼枚乘兩韻輒易劉歆桓譚百句不遷亦各有

其志也昔魏武論詩嫌於積韻而善於賀代陸雲亦

稱四言轉句以四句為佳 金樓子曰班固頌學尚云贊頌相似

序式

未云 故其贈行不以頌而以規○作送某序○公於是作歌詩以美之命屬官咸作之命某序之○

於是登第而歸將榮於其鄉也能無說乎○慶後人之將蒙其休澤也於是乎言○故有以贈童子○工

乎詩者歌以係之○於其別申以問之○於其行姑與之飲酒○於其行姑以是贈之○書以為荆潭唱

和詩序○酒壺既傾序以識別○於是相屬為詩以道其行云○於是咸賦詩以贈之○重生之還者皆

為詩某最厚故又為序云○遂各為歌詩六韻退某為之序云○皆相勉為詩以推大之而屬余為序○

俾余題其首韓退之○遂述其制作之所詣以繫於後○於其序也載之其末云○某直而甚文樂君之

道作詩以言余猶某也故於是乎序焉○故為詩以重其去而使余為序○故詩而序云○其道美矣故余繼之以辭○遂繫之而重以序○於其往也故賞以酒肉而重之以辭○行哉行哉言止是而已○獻之酒賦之詩而歌之坐者泛而和之既和而序之○於是編其餞詩若干篇紀於末簡以既行李遂執手而別○以吾子見私於僕而又重其去故竊言而書之而密授焉○於將行而問以言敢以變君之志○余用是得不繫其說以告於他好事者○故為之言○於其辭而去也則書以畀之○故於其去不可以不告也

柳子厚

擬序之始

序者序典籍之所以作也文選始于詩序而書序左

傳序次之

擬序之式

東萊先生曰作記序若要起頭省力且就題說起謂

如太宗金鑑書序則便說太宗皇帝

云云

說鑑治亂

賢不肖之意如花萼相輝樓記則便說唐玄宗明皇

帝云云說兄弟友悌之意不可汎說功德須便入題

意

書目有異同者如南豐戰國策目錄序末云此書有

高誘註者二十一一篇或云三十二篇崇文總目存者八篇今存者十篇云

卷數有序於首者如唐開元禮序云明皇帝之十四年云云為開元禮一百五十卷是也有序於末者如唐大衍曆序云其書有曆衍七篇曆議十篇畧例一篇云是也

夫序由詩書左傳有序故說者謂序典籍之所以作大抵序以善序事理為上如後世贈送燕集等作隨事以序其實觀古人制作其體式可槩見矣

諸跋

跋者隨題以贊語於後者也或前有序引當撥其有關大體者立論以表章之須要明白簡嚴不可墮人窠臼古人跋語不多見至宋始盛觀歐蘇曾王諸作則可知矣

○郝伯常先生編類金石八例

世系

名字

始起

世建功立事

年壽

堯卒

○ 殯葬 銘辭

○ 蒼崖先生十五例

入作造端

名字族姓

鄉貫

世次先德

文學藝能

仕進歷官

政迹功德

享年卒葬

生娶嫁文

總述行迹

作碑誌

銘辭

狐弱

祠廟原始

立廟祠祭

右先生金石例皆取韓文類緝以為例大略與徐秋山括例相去不遠若再備錄似為重複故止記其目于此云

蒼崖先生金石例卷之九

第十卷多論先生本朝制度故茲未暇錄焉

蒼崖先生金石例卷之十

史院纂脩凡例 凡二十七條

聖旨詔制

凡已經翰林院潤飾者並全書其有直言直語者只

先作隨所見聞叙其事情條格末却書云是日

詔諭中外

元正朝賀

如御正殿則書

上御正殿受諸王百官朝賀或改日或免賀正日必書其故或在行則書

上駐蹕某所扈從臣僚便賀于 行宮

外國來賀

於賀下連書以次引見諸國使人如常儀若止是一國則云某國遣其某官臣某來賀其有

朝辭日分隨日月書

車駕飛放

書某日

上畋於近郊至每日移駐蹕之地亦書及還 宮則書上還宮

車駕行幸

某日車駕幸上都每日駐蹕隨事有可書者則書之至上都則書及還大都則書車駕還大都駐蹕亦隨事見至大都則書

上還宮若事蹟中不見則不書

擬瀆降香

某日遣使持香祠五嶽四瀆后土如衡山始入版圖
東海南海始遣使皆書至嶽瀆海加封則先書加五
嶽四瀆四海封號某神加某號詳書之畢却書分遣
使臣奉制詞香幣祠于廟所于西海北海附祭亦合
書於初年後不復書或專遣一使通行則特書

聖節朝賀

今書

聖誕節某日受朝賀則同元日書

諸王稱號

親王除有封爵者書其爵諸王並稱親王其有昭穆
可考者雖無封爵直書某昭穆小名

皇屬除拜

皇后前有內職者書立某封某氏為

皇后自外選內者書納

皇后某氏

太子書立某王為皇太子 公主出嫁並稱下嫁

內庭宴集

為某王某國來朝設宴則書餘則否

大會諸王

緣故有所考則書

神祇祭享

本朝無郊社如洒馬乳之類事迹中可見則書社新

立則書始建社稷于國西宗廟每歲一享則書享

于太廟攝獻官隨所見書如燒飯等亦隨所見書

僧道祈禳隨事蹟擇其大者書之

百官拜罷

左右丞相則書拜平章則云以某官平章政事左右

丞則云以某人為某官叅政則云以某官叅知政事

罷則書罷因功罪則各書其下貶降竄籍誅殺皆書

百官除目

三品以上則書其間有因事得官或特旨與官者不

當以品數論當悉書之

萌古言語

有合書者則云為

國朝語

誅殺罪人

前代殺當其罪者書某人伏誅其不當書者殺某人其大辟則歲終書是歲斷死刑幾人或有奏讞出入者則附書其下

錫賚犒勞

當書緣故前伐多是銀絹錢帛今多有細色段子之類隨事實書又銀與鈔例合以兩及貫計不須計定數其餘賜當從其實

甲子日分

前史並書甲子不書日分近所草定兼日分姑欲易見耳今各精攷甲子悉刪去日分

天地災異

凡京師所見則皆書偏方或見有成災者則皆書餘則
否耳今各節以甲子後四去日公

奏除臣僚

內有奏而上不允者必書其故無故者否

奏對陳言

臣下言事有關於大體者雖不准亦書

陞加散官

初授散官各官合與備書其後隨職例陞者不書或

隨職降者則書不遷職止陞散官者則書加某官

征伐收撫

如平定諸國初則書命某人率師伐某其後次第悉

書至入國都則書某國平下併書已行事實或有反

叛則書何地某人反命某人率師討之其後次第悉

書至賊破敗畢則書賊平

上親征者亦照

外國君長

外國不相屬時則書某國王某殂立則書某國王某
立自 朝廷立之者則書某國王某卒立某人為某
國王未封王者書世子

營造工作

宮殿皆書寺觀亦書器物關

朝廷用度者書餘則否

臣下奏事

凡中書省官同 奏則稱中書省官奏臺院亦同如

一二人奏則直指其人或其他有司令省中奏則稱

中書省轉奏某人言某事或左右近人奏亦直書某

人奏某事其後得旨可之則稱從之有一日奏數事

則類事于後稱並從之否則書 不允有

旨並載於下啓

皇太子稱 令旨准否則稱 令旨不從

臣僚薨卒

宰相重臣書薨餘並書卒

蒼崖先生金石例卷之十

卷之十

先文僖公所著金石例十卷制度文辭
必稽諸古所以模範後學者也每見手
澤不忍釋去與其私於一家孰若公於
天下傳之子孫孰若法之人人使咸知
先公之心去浮靡以還淳古顧不韙與
謹刻之梓嘉與士大夫共之至正五年
春三月望濟南潘詡敬書于卷末